

Saksgang

Utval	Utv.saksnr.	Møtedato
Hovudutval for kultur, idrett og integrering		25.03.2021

Tilskot til etableraropplæring for innvandrarar 2021

Forslag til vedtak:

Vestland fylkeskommune vedtek å løyve 630 000 kroner frå budsjettpost 402100 fordelt slik:

NR	Søkjar	Prosjektnamn	Tilrådd sum
1	Unity Park	Gründerdrømmen	100 000
2	MIKS ressurscenter	Gründerprogram for flerkulturelle entreprenører	100 000
3	Alver kommune	Gründersporet	55 000
4	Sogn regionsråd	Etablereropplæring for innvandrarar -Sogn for alle	100 000
5	Vestland Fylkeskommune	Business Factory	200 000
6	Bømlo vaksenopplæring	Start sjølv	75 000
7	Næringshagen i Hardanger AS	Tilskot for etableraropplæring for innvandrarar	0
8	Papillon	Diversity in action- Har du en krysskulturell gründer i deg?	0
	Sum		630 000

Det vert vist til vedlegget med oversikt over søkerarar for grunngjeving av vedtaket.

Samandrag

Fylkeskommunen fekk i 2020 overført tilskotsordninga for etablereropplæring for innvandrarar frå staten (IMDi). Ordninga skal styrka moglegheita innvandrarane har til å etablera sine eigne verksemder. Det er 630 000 kroner til fordeling. Vestland fylkeskommunen har fått inn 8 søknader. 6 søknader vert tilrådd tilskot. Søknadane er vurdert etter relevant erfaring, effektivitet og potensiell evne til rekruttering og gjennomføring. Fylkesdirektøren foreslår ei fordeling som vist ovanfor.

Per Morten Ekerhovd
fylkesdirektør

Ingebjørg Erikstad
konst sekjonssjef

Saksframlegget er godkjent elektronisk og har difor inga handskriven underskrift

Vedlegg

- 1 Vedlegg, oversikt over søkerarar
- 2 Retningsliner

Saksutgreiing

Bakgrunn for saka

Ei overordna målsetting i integreringspolitikken er auka sysselsetting blant flyktingar og innvandrarar. Tilskotsordninga etablereropplæring for innvandrarar skal styrke og utvikle det ordinære tilbodet slik at det vert lagt til rette for gründerverksemblant innvandrarar og at innvandrarar kan etablere si eiga verksemblant igjen bidrar til sysselsetjing og vekst.

Desse kan søka:

- Kommunar og fylkeskommunar som vil legga til rette for etablereropplæring/gründerverksemblant innvandrarar.
- Verksemder og organisasjonar i privat og offentleg sektor med fagekspertise i etablereropplæring, inkludert frivillige organisasjonar som er registrerte i Frivillighetsregisteret

Tilskota er meint for å finansiera mellom anna opplæring, kursing og nettverksbygging.

Målgruppa for prosjekta er innvandrarar som ønsker å etablera seg som sjølvstendig næringsdrivande. Kvinner med innvandrarbakgrunn er ei prioritert målgruppe.

Tilskot til etablereropplæring har eksistert i nokre år gjennom IMDi, og fleire prosjekt i Hordaland og Sogn og Fjordane har motteke tilskot tidlegare. I 2020 var det fem prosjekt i Vestland som fekk støtte innan denne tilskotsordninga.

Ordninga har vist seg vellukka, men har fram til no hatt meir fokus på innvandrarnettverk og mindre vekt på å opprette eigne bedrifter. Vestland fylkeskommune har valt å oppretthalde eksisterande vilkår og retningsliner, for å få meir erfaring med tilskotsordninga og danne eit betre bilet på kva som er tenleg, og for å sjå det i samanheng med dei overordna målsettingane for integreringspolitikken. Basert på søknader, resultat og erfaringar frå 2020 og 2021 vil vi få eit betre grunnlag for å vurdere eventuelle endringar i ordninga i 2022.

Føremål med ordninga

Tilskotsordninga etablereropplæring til innvandrarar skal styrke og utvikle opplæring om korleis ein etablerer verksemder for innvandrarar. Det skal leggjast til rette for at innvandrarar kan starte sine eigne verksemder som igjen skaper sysselsetting og vekst.

Budsjett 2021:	kr 630 000
Søknadsfrist 2021:	15.02.2021
Vedtak kriteria:	Hovudutval for kultur, idrett og inkludering 13.02.2020 PS 8/2020
Kriteria og informasjon om ordninga:	Informasjon på nettsida, informasjon ut til kommunar og andre potensielle søkerar
Tal søkerad:	8
Tal søkerad tildelt støtte:	6
Avslag:	2
Samla søkeradssum:	Kr 1 835 000
Samla løyving:	Kr 630 000

Vedtakskompetanse

Hovudutval for kultur, idrett og integrering, jf. vedteke reglement for hovudutval for kultur, idrett og integrering, punkt 3.

Vurderingar og verknader

Økonomi: Tildelinga er i samsvar med budsjett 2021.

Klima: Tiltaka vil ikkje ha negativ innverknad på klima.

Folkehelse: Regional plan for folkehelse 2014 - 2025 - fleire gode leveår for alle: Hordaland og regional plan for folkehelse 2015-2025 Sogn og Fjordane. Å ble økonomisk sjølvstendig har positiv verknad på folkehelsa.

Utviklingsplan for Vestland 2020-2024 (Regional planstrategi): Tilskotsordninga er eit bidrag til å nå mål i den regional utviklinga og FNs berekraftsmål gjennom fokus på sosiale og økonomiske utfordringar knytt til innvandrarane

Absolute kriteria

- Offentlege og private sektorar kan søkje i tillegg til frivillige organisasjonar registrerte i frivilligehetsregisteret
- Midlane skal nyttast til tiltaka som er skildra i prosjektomtala.
- Tiltaka må gjennomførast i samsvar med retningslinjer for etablereropplæring

Vurderingskriteria

I vurdering av søkerne vert det særleg lagt vekt på gjennomføringsevne, slik som tidlegare erfaring og resultat, samt samarbeid med andre.

Fylkesdirektøren sine overordna kommentar til innstillinga:

Alle søkerne oppfyller dei formelle kriteria til tilskotsordninga. De fleste søkerne har naudsynt kompetanse, relevant samarbeidspartnerar og gjennomføringsevne. Søknadane er fokusert rundt Bergensområdet med ein søknad frå Bømlo kommune og ein søker fra Sogndal. Konkret tiltak for å gje tilskotsordninga betre kjent i heile fylke vert det arbeidd vidare med.

I fylkesdirektøren sitt forslag til innstilling er midlane fordelt til 6 av 8 søkerne. Fire av dei som er innstilt tilskot til, fekk også tilskot i 2020, og i dette ligge det ei vurdering om ønske om kontinuitet i eit viktig arbeid. To nye søkerar er også tilrådd tilskot. Dette er søkerar som har arbeidd lenge med å sikre ei god forankring av arbeidet i eigen organisasjon. To søkerne er tilrådd avslag, sjølv om desse også har gode prosjekt på gang. Hovudgrunnen her er avgrensa midlar til disposisjon. Til fleire aktørar som finn programmet som eit nyttig verktøy for å nå måla, jo betre er det for eit berekraftig Vestland.

Det kan vere utfordrande å prioritere mellom dei ulike søkerne. Det eine søkeren som skil seg ut i positive retning er den frå Etablerersenteret/Business factory. Etablerersenteret er eit offentleg tilbod til gründarar. Det er finansiert gjennom et spleislag mellom Vestland fylkeskommune og 22 kommunar i Vestland og på den måten er eit meir fylkesdekkjande tilbod enn dei andre. Her er innstillinga at Etablerersenteret får ein større sum enn dei andre. Elles er det fylkesdirektøren si vurdering at dei ulike søkerne, sjølv med mindre tilskot enn omsøkt, vil kunne bidra positivt inn mot etablereropplæring for innvandrarar. Dei søkerne som får tildelt vesentleg mindre tilskot enn omsøkt, vil få oppmoding om å sende inn revidert prosjekt og budsjett, slik at vi sikrar oss en god samanheng mellom innhaldet i prosjektet opp tildelt tilskot og endeleg budsjett.

Erfaringsutveksling og samarbeid mellom dei ulike prosjekta vil kunne bidra til betre resultat for det enkelte prosjektet, og til at midlane når lengre ut. Fylkesdirektøren gjennomfører årlege møte med tilskotsmottakarane, noko som bidrar til kunnskapsdeling, erfaringsutveksling og nettverksbygging.

Konklusjon

Fylkesdirektøren rår til at hovudutval for kultur, idrett og integrering løyer 630 000 kroner over budsjettpost 402100 til etablereropplæring for innvandrarar slik det går fram av innstillinga.